

Кузь нэм да бур шуд!



Эжа йывлөн слава

Апполинария Яковлевна Напалкова

Чужис 1965 вося ноябр 28 лунö Джеджимын. Помалис медводдза номера Сыктывкарса педучилище, уджысь орöдчытöг - Коми пединститут. Велöдис ичöt класса челядьöс Шöръягса да Тимшерса школаясын. Джеджимын велöдис и веськöдлис. Ставсö челядькöд уджалис 19 во. Вöли райсöветса депутатöн.

Верöсыскöд быдтис да велöдис кык челядьöс.

Бур уджысь сетисны Российской Федерациялөн народнöй просвещениеса отличниклысь ним, уна почёт грамота.

Öни районса администрацияын физкультура, спорт да туризм юкöнын специалист.



Парма Гор

Эжа йывса войтырлөн газет

Петö 1929 восянь

Субöта, 2011 вося декабр 10 лун

148 (10423)-öд №

Рочнад
кужтöгыд
мортыд
сьöд мыр
кодъ

(коми шусьöг)

АСКОМЫСЬ - КОНСТИТУЦИЯ ЛУН

ЧОЛÖМАЛÖМ

Кулöмдін районса пыдди пуктана олысьяс!
Чолöмалам тиянöс государстволөн празникöн - Российской Федерациялөн Конституция лунöн!
Российской Федерациялысь Конституция вынсьöдан лун зэв тöдчана Россияын став олысьлы. Конституция лоö Россияын правöвöй системалөн сюрöсöн да урчитö вежöртассö мукöд законгьяслысь.

Талунгя Конституция - Россиялөн демократическöя сöвмöмлы зумыд подув. Тайö абу бур кöйöмгьяс йылысь висьталöм, а документ, кодй збыль уджалö. Быд мортлы Конституция - тайö закон, кодöс колö бура тöдны, öд законгьяс тöдöм да наöн кужöмöн вöдитчöм отсалö бурмöдны олöм, лоö быд боксянь сöвмöм олöмлөн нормаöн.

Сиам тиянлы ён дзоньвидзалун, районлөн, республикалөн водзö сöвмöм вылö выль вермөгьяс.

«Кулöмдін» муниципальной районса юралысь - районса администрацияөн веськöдлысь

Д.А.ШАТОХИН.

«Кулöмдін» муниципальной районлөн Советса председатель **А.Н.КОНДРАШКИН.**

ИЗВЕЩЕНИЕ

В связи с назначением выборов Президента Российской Федерации (Постановление Совета Федерации Федерального Собрания Российской Федерации от 25 ноября 2011 года № 442-СФ «О назначении выборов Президента Российской Федерации») редакция газеты «Парма гор» извещает, что для проведения предвыборной агитации зарегистрированными кандидатами может предоставит на платной основе печатную площадь общим объёмом 30700 квадратных сантиметров.

Цена одного квадратного сантиметра 100 рублей.
Редакция газеты «Парма гор».

ТÖДÖЙ, МЫЙ ВЫЛЫС

КОЗЬНАЛІСНЫ НЁЛЬ ГОЗ

Ярашгюса школалы вичмис котралöм вылö став коланаторнас нель гоз лыжи.

Найöс козьналісны Госсöветса депутатгьяс В.А.Косов да И.В.Медведев. Челядьöс чукöртлöмöн неважöн козинсö сетис Пожöгса юралысь В.И.Сенькин.

УСИС 07498 НОМЕРЛЫ

«Коминформлөн» юöртöм серти, Сыктывкарын «Россиялөн опора» петкöдис «Попади в десяточку» конкурслөн мöд тшупöдын вермысьясöс.

Кулöмдін районнын компьютер шудаөн «вöчис» 07498 лыдпас. Тайö номера календарик вылö вичмаса «Нива-Шевроле» автомашина.

Асланым да общ. корреспондентгьяс.

МОРТЛÖН ПРАВÖЯС КУЗЯ ЙÖЗКОСТСА ЛУН



ДОРЙÖ РАЙОНСА ОЛЫСЬЯСÖС

Дереваннöйысь Рем Фёдорович Ракин 2004 восянь районнын мортлысь правояс дорйöм кузя уполномоченнöй. Сійö - районнын нимала на морт. Трактористсянь быдмис начальникöдз. Лесопунктыс вöли леспромхозын водзын мунысьöн. Р.Ф.Ракин быднөгыс отсалис уджалысьяслы, посёлкаса олысьяслы, ставнысö мөгмöдис бур оланінöн. Посёлкын эз коль щитгьясысь вöчöм ни öти керка. Рем Фёдорович водзмöстчис «Коми войтырлөн» районса представительствын, кодй и вöзйис сійöс районнын мортлысь правояс дорйöм кузя уполномоченнöйöн.

- Первойсö вöли зэв сьöкыд, - висьталис Р.Ф. Ракин. - Кöрткерöс районнын кö вöли нель уполномоченнöй, то ме öтнам, кöть и районным ыджыдджык, олысьяс

ёна унджык. Аттьö «Парма гор» газетлөн редакциялы, кодй вичмöдис öти жыр, кöни төльсьöн кыкысь примитйöзöс. Кор восьтисны Коми республикаса юралысьлөн общественнöй примитанінлысь Кулöмдінса юкөн, ме дорö шыöдчысьяслөн лыд чинис. Öни примита гортын, либö юалöмгьяс вылö вочавидза телефон пыр. Но ветлыны ковмылö и районса сиктгьясö. Отсалöны машинаөн Дереваннöйса юралысь Г.В.Гуляева, районса администрация, веськöдлысьяс.

Сизим воөн районсаяс шыöдчылісны быдсяма корöмөн. Рем Фёдорович бура помнитö медводдза шыöдчöм. Дереваннöй посёлкаса олысьяс корисны вöчны посёлкө кежанінö, сикт кывтöдö да Илья сиктö автобусгьясы сувтанінгьяс. Та

кузя шыöдчыліс туйяс стрöитан да дзоньталан участокö. Сыён веськöдлысьяс мунисны воча да автобусгьясы сувтанін вöчисны. Уна вын да кад пуктис, медым дзоньталісны Кулöмдін-Дереваннöй туй. Та кузя шыöдчыліс Госсöветöн веськöдлысь М.Д.Истиховская, районса юралысь Д.А.Шатохин да чина мукöд йöз дорö.

Бөргя кадö уджалö öтув Коми республикаса юралысьлөн общественнöй примитанінса Кулöмдін юкөнөн веськöдлысь А.А.Кузнецовакөд. Кыкысь волісны мыйкө дыра кад йöзысь торйöдчöмөн пукалысьяс дорö. Аддзисны зэв уна тырмытöмтор. Шыöдчöм кузя воліс вочакыв пытшкөсса делöяслөн министрлысь мөггьяс олöмö пöртгысь Д.С.Толстовсянь.

- Но овлö, мый сьöлөм

оз бурмы, - висьталис Р.Ф.Ракин. - Чина öти морт кöйис олöма аньлы вайны пес, но кывсö эз кут. Колис нин вит во, а пессö эз и вай. Ветрангьяслөн райсöветöн веськöдлыськөд ветлім öти посёлкаса олысьяс дорö. Элясьöмныс збыльмис. Öти семья оз вермы дзоньтавын пач, мөд семьялөн эз вöв пес. Сиктса юралысь, отсалöм пыдди, шуис: олöны пö лэдзчысьöмөн да асьныс мыжаöс.

Коми республикаын мортлысь правояс дорйöм кузя воддза уполномоченнöй Л.М.Вокучев да öния Л.В.Завьялова вылö донгьялöны Р.Ф. Ракинлысь удж. Сылы сетисны «Тэрмасöй вöчны бур» кык пас.

Гижöд да снимок
Николай
ЛЮТОЕВЛÖН.

